

Namminersorlutik Oqartussat aatsitassanut tunngasunik aammalu Kalaallit Nunaata imartaani nunavittaatalu iluani uuliasiorfinni avatangiisinik isumannaallisaaernerup tungaatigut akisussaaffinnik tigusinissaanut Inatsisartut inatsisissaat pillugu isumaliutersuut.

(Inuussutissarsiornermut ataatsimiititaliaq)

Akissuteqaat

(Inuussutissarsiornermut Aatsitassanullu Naalakkersuisoq)

Aappassaaneerinnineq

Naalakkersuisunit iluarisimaarparput ataatsimiititaliap isumaqatigiissup siunnersuut akuerineqartussanngorlugu inassutigimmagu.

Aalajangiiffigisassatut siunnersuutip siullermeerneqarnerani apeqqutit partiit oqaaseqartuinit qaqinneqartut eqqarsaatigalugit innersuussutigissavakka ilanngussami agguanneqartumi aatsitassanut tunngasut apeqquteqaateqarfigineqartut nassuiaateqarfigineqarmata.

Ilanngulluguttaaq ilisimatitsissutigissavara Inatsisartuni ilaasortanut aatsitassat pillugit immikkut sammisaqarfittut 12. november 2009 atorneqassammat.

Taamatut oqaaseqarlunga inuussutissarsiornermut ataatsimiititaliap aalajangiiffigisassatut siunnersuummut tapersiinerat qutsavigaara.